

12 Ada lawantk gish ga gaudsh Zacharias gish ga lthat nisht ga, ada goiduksh ga bäsht ga.

13 Ada housh ga angel gish niat, Gilau bäsain, Zacharias: äwil ltha naknōitk ga na gigiengwaklthint: ada dumt dagoiduksh da nakshint Elisabeth a lthgölthgum yō dā gwan, adat John ma dum shūwāda dit.

14 Ada dum lūamgaudunt dum lthgwishgū'unt; ada wihēl da dum lūamām da gagauda da zida ltha kshalaklakht.

15 Äwil dum wilēksh dadash ga zalsh ga Miyān ga, ada althga dum dīt akshlth wine ligi kshagutgiadit; ada dum holtk ga dadash ga Ämt ga Haik ga, dum amgait wāl dida zahī wātēk ga dalth na nashgūumlth gash naut.

16 Ada wihēl dida klthgūsh Israel dum yinyenda dash ga Miyān ga na Shimoigiatk gut ga.

17 Ada dumt yā gish ga gauksh ga zalt ga ash ga n'zum haigish Elijah ga, dilth na gutgiat ga, dum yinyen'n da gagauda ganagwātēk ga da gaklthgū dīt, dilth hūkgā gigiaushk ga dida na wilgagaushk ga ha-khoigiaga dīt; dumt gwildum gou'un giada na zapshit gish ga Miyān ga.

18 Ada housh Zacharias gish ga angel ga, N'dalth n'dum wila wilai gwa? äwil ltha wūlagiadūt, ada ltha shim gawilēksha nakshūt.

19 Ada dilumak gish ga angel gish ga houit gish niat, Gabrielt nūyū, gū haik gut gish ga hazaklthk gish ga Shimoigiat ga Lakāga; ada haiz gū da n'dum dālagunt, n'dum dagoiduksha ama malshk ga gwaya gwan.

20 Ada, nī, dum whagaubunt, althga ma dum da'aklthk gulth dum algiagun, wagait dum wil lūgwāntk ga sha dum da wāl dī da gau, nahouyūt äwil althga shimhoudikshin

ā na algiagout, gū dum lūhoigia-guntk ga da zida ltha lip lūgwāntk gut.

21 Adat babōdit ga giat gut Zacharias ga, adat lūshanāltk gish ga shga aiwālt gish ga zum temple ga.

22 Ada ltha kshūit ga, ada lthgukshk gish ga dum algiakt gish dupniat: adat gūsh ga za nūagiat dash ga zum temple ga: ash ga wil am gwilth gokt gish dupniat, ada lthāwila wha dadidukt ga.

23 Ada wil wālt ga, ltha shabāsh ga na halthalshit ga, ada wilt gaush ga na lip wālpē ga.

24 Ada n'tkulān gwa ada wil gwa-'adumltk gish ga naksh gut Elisabeth ga, ada gwishtōnsh ga giamuk ga lippeluksh yūēk gut ga, ash ga houit ga.

25 Gwai ltha wālsē ga Miyān ga goi, a n'dat tikiniizūt, dumt wil kba-ga na gunzaugou da shpagait giadit.

26 Wai ltha gaulsh ga giamuk ga ada wil baizk gish ga angel gut Gabriel ga wātēk gut gish ga Shimoigiat ga Lakāga ash ga gūelt ga gulzabum Galilee ga, wāt gulth Nazareth,

27 Ash ga whagulgiatkum hanak ga ēshk gut gish ga dum naksh Josephum wālpsh David: adat Mary ga wāsh ga whagulgiatkum hanak.

28 Ada goiduksht gish ga awāt ga, ada houit ga, Hail nūgun holtk ga dalth ämt, hokshk gaga Miyān ga gwan:

29 Ada lūwantk gish ga gaud gish ga houit ga, adat dilgaudish ga gau ga wila dhoiyukt ga.

30 Ada housh ga angel gish niat, Gilau bashint Mary: äwil ltha ma wā ām gish ga Shimoigiat ga Lakāga.

31 Ada nī, dum gwa'adumltk gun da na nashgū'umlth gunt, ada ma dum dagoiduksha lthgölthgum yōt, ada ma dum shūwāda dash Jesus.

32 Dum wilēkshit, ada dum shū-